



重編東坡先生外集卷第八十三

詞

滿庭芳

香鬢雕盤寒生冰筋画堂別是風光主人情重開宴
 出紅粧膩玉圓搓素頸藕絲嫩新織仙裳笙一作歌
 罷虛簷轉月餘韻尚悠揚 人間何處有司空見慣
 應道尋常坐中有狂客惱亂愁腸報道金釵墜也指
 尖露春筍纖長親曾見全勝宋玉想像賦高唐

又一作山
谷詞

北苑龍團江南鷹爪萬里名動京關碾輕羅細瓊蓋

暖生烟一種風流氣味如甘露不染塵煩纖纖捧水
姿玉瑩金縷鷓鴣斑相如方病酒銀瓶蟹眼波怒
濤翻扶起樽前醉玉頰山飲罷風生兩腋神魂到明
月輪邊歸來早文君未寢相對粉粧殘

又

山谷云此詞非先生作

蝸角虛名蠅頭微利算來着甚空忙事皆前定誰弱
又誰強且趁閑身未老儘教我些子踈狂百年裡
渾教是醉三萬六千場思量能幾許憂愁風雨一
半相妨又何須抵死較短爭長好對清風皓月蒼藹
展天一作雲幕高張江南好千鍾美酒一曲清庭芳

又

代陳子辯別鄭希道

三十三年今誰存者算只君與長江凜然蒼檜霜幹
苦難雙聞道司州古縣雲溪上竹塢一作戶松窓江南
岸不因送子寧肯過吾邦縱縱疎雨過風林舞破
烟蓋雲幢願持此邀君一飲空缸居士先生老矣真
夢裡相對殘缸歌聲斷行人未起船鼓已逢逢

又

黃州移汝州作

歸去來兮吾歸何處萬里家在岷峨百年強半來日

苦無多坐見黃州再閩兒童盡楚語吳歌山中友雞
豚社酒相勸老東坡 云何當遠此一作去人生底事

來往如梭待閑看秋風洛水清波好在堂前垂柳應
念我莫剪柔柯仍傳語江南父老時與晒漁簑

元豐七年四月一日予將去黃州留別雪堂鄰里
二三君子會李仲覽自江東來別遂書以遺之蓋
中呂滿庭芳也

又

余謫居黃州五年將赴臨汝作滿庭芳一篇以別
黃人既至南都蒙恩放歸陽羨復作一篇

歸去來兮清溪無底上有千仞嵯峨畫橋西畔天遠
夕陽多老去君恩未報空回首彈鋏悲歌船頭轉長
風萬里歸馬駐平坡 無何何處是銀潢盡處天女
停梭問何事人間久戲風波願謂同來稚子應爛汝
腰下長柯青衫破羣仙笑我千縷挂漁蓑

又

余年十七始與劉仲達往來於眉山今年四十九
相逢於泗上洛水淺凍久留郡中晦日同遊南山
話舊感嘆因作此詞

三十二年漂流江海萬里烟浪雲帆故人驚怪憔悴

老青衫我自踈狂異趣君何事奔走塵凡流年盡窮途坐守船尾凍相啣 嶢嶢淮浦外層樓翠壁古寺

空崑步携手林間笑挽纖纖莫上孤峰盡處縈望眼

雲水相涵一作攙家何在因君問我歸夢遶松杉

沁園春

赴蜜州早行馬上寄子由

孤館燈青野店雞號旅枕夢殘漸月華收練晨霜耿

耿雲山擣錦朝露團團一作薄薄世路無窮勞生有限似

此區區長鮮歡微吟罷凭征鞍無語往事千端

時共客長安似二陸初來俱少年有筆頭千字胸中

萬卷致君堯舜此事何難用舍由時行藏在我袖手

何妨閑處看身長健但優游卒歲世事徐觀一作且

又

情若連環恨如流水甚時是休也不須驚怪沈郎易

瘦也不須驚怪潘鬢先愁總是難禁許多魔難奈好

事教人不自由空追想念前歡杳杳後會悠悠○凝

眸悔上層樓謾惹起新愁壓舊愁向絲牋寫遍相思

字了重重封卷密寄書郵料到伊行時時開看一看

一回和泪收須知道這般病染兩處心頭

又

東坡先生文集 卷之八十三
小閣深沉寸心懷感暗憶舊時念母兄貧窘姻親勸
誘一身權作七歲爲期及到門闌小君猜忌如履輕
水愁過遠多魔難是房中詬罵堂上鞭笞 堪悲命
運乖衰甚長箇孩兒朝夜啼歎此生緣分一作業兩食
淡薄無時無泪如醉如癡暗裡相逢低聲說與此箇
恩情休謾爲須知道煞難爲夏竦不易張祁

臨江仙

風水洞作

四大從來都遍滿此間風水何疑故應爲我發新詩
幽花香澗谷寒藻舞淪漪 借與玉川生兩腋天仙

未必相思還憑流水送人歸層巔餘落日草露已沾
衣

又

疾愈登望湖樓贈項長官

多病休文都瘦損不堪金帶垂腰望湖樓上暗香飄
和風春弄袖明月夜聞簫 酒醒夢回清漏永隱牀
無限更潮佳人不見董妖嬈徘徊花月下幾度可憐
宵

又

送李公恕

東坡先生外集 卷之二十三 五
自古相從休務日何妨低唱微吟天垂雲重作春陰
坐中人半醉簾外雪將深 聞道分司狂御史紫雲
無路追尋淒風寒雨走一作駸駸問囚長損氣見鶴
忽驚心

又

昨夜渡江何處宿望中疑是秦淮月明誰起笛中哀
多情謝女相逐過江來 雲雨未成還又散思量好
事難諧凌急槳兩相催想伊歸去應似我情懷

又

夜到揚州席上作

樽前何人懷李白草堂遙指江東珠簾十里捲香風
花開又花謝離恨幾千重 輕舸渡江連夜到一時
驚嘆衰容語音猶自帶吳儂夜闌對酒處依舊夢魂
中

又

九十日春都過了貪忙何處追遊三分春色一分愁
雨翻榆莢陣風轉柳花毬 闔苑先生須自責蟠桃
動是千秋不知人世苦厭求東皇不拘管肯爲使君
留

又

送王緘

忘却成都來十載因君未免思量憑將清泪洒江陽
故人知好在孤客自悲涼 坐上別愁君未見歸來
欲斷無腸殷勤且更盡離觴此身如傳舍何處是吾
鄉

又

送錢穆父

一別都門三改火天涯踏遍紅塵依然一咲作春溫
無波真古一作石井有節是秋筠 惆悵孤帆連夜發
送行淡月微雲樽前不用翠眉顰人生如逆旅我亦

是行人

又

冬夜夜寒冰合井盡堂明月侵幃青缸明滅照悲啼
青缸挑欲盡粉泪衰還垂 未盡一尊先掩泪歌聲
半帶清悲情聲兩盡莫相違欲知腸斷處梁上暗塵
飛

又

在黃州作

夜飲東坡醒復醉歸來髣髴三更家童鼻息已雷鳴
敲門都不應倚杖聽江聲 長恨此身非我有何時

東坡先生外集 卷之八十三
忘却營營夜闌風靜縠紋平小舟從此逝江海寄餘生

又

龍丘子自洛之蜀載二侍女戎裝駿馬至溪山佳處輒留數日見者以爲異人其後十年築室黃岡號曰靜庵居士作臨江仙贈之

細馬遠馱雙侍女青巾玉帶紅靴溪山好處便爲家
誰知巴峽路却見洛城花 面旋落英飛玉蕊人間
春日初斜十年不見紫雲車龍丘新洞府鉛鼎養丹砂

蝶戀花

京口得鄉書

雨過春容清更麗只有離人幽恨終難洗北固山前
三百水碧瓊梳擁青螺髻 一紙鄉書來萬里問我
何年真箇成歸計白首送春拚一醉東風吹破千行
泪

又

雲水縈迴溪上路疊疊青山環遶溪東住月白沙汀
翹宿鷺更無一點塵來處 溪叟相看私自語底事
區區苦要爲官去尊酒不空田百畝歸來分取得一作

東坡先生文集 卷之八十三
閑中趣

又

花褪殘紅青杏小燕子飛時綠水人家遶枝上柳綿
吹又少天涯何處無芳草牆裡佳人牆外道牆外行
人牆裏佳人笑笑漸不聞聲漸悄多情却被無情惱

又

代人贈別

一顆櫻桃樊素口不要黃金只要人長久學画鴟兒
猶未就眉峰已作傷春皺撲蝶西園隨伴走花落花
開漸解相思瘦破鏡重來一作應在否章臺已折青

青柳

又

冬夜文安國席上

簾外東風交雨霰簾裡佳人咲語如鶯燕深惜今年
正月煖燈花酒色搖金盞 摻鼓漁陽搗未遍舞褪
瓊釵汗濕香羅軟今夜何人吟古怨清詩未就水生
視

又

漣水軍贈趙晦之

自古漣漪佳絕地遶郭荷花欲把吳興比倦客塵埃

東坡先生文集卷之八十三
何處洗真君堂下寒泉水 左海門前魚酒市夜半
潮來月下孤舟起傾蓋相逢拚一醉雙鳧飛去人千
里

又

記得画屏初會遇好夢驚回望斷高唐路燕子雙飛
來又去紗窓幾度春光暮 那日繡簾相見處低眼
佯行笑整整香雲縷歛盡春山羞不語人前深意難輕
訴

又

昨夜秋風來萬里月上屏幃冷透人衣袂有客抱衾
愁不寐那堪玉漏長如歲 羈舍留連歸計未夢斷
魂銷一枕相思泪衣帶漸覺無別意新書報我添憔悴

又

密州上元

燈火錢唐三五夜明月如霜照見人如畫帳底吹笙
香噴麝更無一點塵隨馬

一作此賦風味應無價

寂寞山城人

老也擊鼓吹簫却入農桑社火冷燈稀霜露下昏昏
雪意雲垂野

又

別李公擇

簌簌無風花自鞞寂寞園林柳老櫻桃過落日多情
還照座青山一點橫雲破 路盡河回千轉拖繫纜
漁村月暗孤燈火憑仗飛魂招楚些我思君處君思
我

又

簾幕風輕雙語燕午醉醒來柳絮飛繚亂心事一春
猶未見餘花落盡青苔院 百尺朱樓閑倚遍薄雨
濃雲抵死遮人面消息未知歸早晚斜陽只送平波
遠

又

梨葉初紅蟬韻歇銀漢風高玉管聲淒切枕簟乍涼
銅漏絕誰教社燕輕 別 草際蛩吟珠露結宿酒
醒來不記歸時節多少衷腸猶未說珠簾一夜朦朧

月

又

玉枕冰寒消暑氣碧簟紗厨向午朦朧睡鶯舌惺惚
如會意無端畫扇驚飛起 雨後初涼生水際人面
桃花的的遙相似眼看紅芳猶抱蕊叢中已結新蓮
子

又

雨霰踈踈經潑火巷陌鞦韆猶未清明過杏子稍頭
香雷破淡紅褪白燕脂凝 苦被多情相折挫病緒
厭厭渾似年時箇遶遍迴廊還獨坐月籠雲暗重門
鎖

又

蝶懶鶯慵春過半花落狂風小院殘紅滿午醉未醒
紅日晚黃昏簾幙無人捲 雲鬢鬢鬆眉黛淺總是
愁媒欲訴誰消遣未信此情難繫絆楊花猶有東風
管

又

送潘邠老

別酒送君君一醉清潤潘郎更是何郎壻記取釵頭
新利市莫將分付東隣子 回首長安佳麗地三十
年前我是風流帥爲向青樓尋舊事花枝缺處餘名
字

洞仙歌

僕七歲時見眉州老尼姓朱忘其名年九十餘自
言常隨其師入蜀主孟昶官中一日大熱主與花
蓋夫人夜起避暑摩訶池上作一詞朱具能記之

東坡先生外集卷之八十三
今四十年朱已死矣人無知此詞者獨記其首兩
句暇日尋味豈洞仙歌令乎乃爲足之

冰肌玉骨自清涼無汗水殿風來暗香滿繡簾開一
點明月窺人未寢欹枕釵橫鬢亂 起來携素手庭
戶無聲時見流星渡河漢試問夜如何夜已三更金
波淡玉繩低轉但屈指西風幾時來又不道流年暗
中偷換

又

詠柳

江南臘盡早梅花開後分付新春與垂柳細腰肢自
有人格風流仍更是骨體清英雅秀 永豐坊那畔
盡日無人誰見金絲弄晴晝斷腸是飛絮時綠葉成
陰無箇事一成消瘦又莫是東風逐君來便吹散眉
間一點春皺

重編東坡先生外集卷之八十三終

重編東坡先生外集卷第八十四

詞

漁家傲

送江寬知台用

送客歸來燈火盡西樓淡月涼生暈明日潮來無定
準風未穩舟橫渡口重陽近 江水似知孤客恨南
風爲解佳人愠莫學時流輕久困頻寄問錢塘江上
須忠信

又

皎皎牽牛河漢女盈盈臨水無由語望斷碧雲空日

暮無尋處夢回芳草生春渚 鳥散餘花紛似雨汀
洲蘋老香風度明月多情來入戶但攬取清光長送
人歸去 古詩句

又

金陵賞心亭送王勝之龍圖勝之守金陵視事一
日移南都

千古龍蟠并虎踞從公一吊興亡處渺渺斜風吹細
雨芳草渡江南父老留公住 公駕飛車凌綵霧紅

鷺

一作鷺

參乘青鸞馭却訝此洲名白鷺非吾侶翩然

欲下還飛去

又

臨水 回晚控歸來轉覺情懷動梅笛烟中聞幾
弄秋陰重西山雪淡雲將暮 美酒一盃誰與共樽
前舞雪狂歌送腰跨金魚旌旆擁將何用祗堪粧點
浮生夢

行香子

丹陽寄述古

携手江村梅雪飄裙情何限處處銷魂故人不見舊
曲重聞向望湖樓孤山寺湧金門 尋常行處題詩
千首繡羅衫與拂紅塵別來相憶知是何人有湖中

月江邊柳墮頭雲

又

一葉舟輕雙漿鴻驚水天清影湛波平魚翻藻鑑鷺
點烟汀過沙溪急霜溪冷月溪明 重重似畫曲曲
如屏笑當年虛老嚴陵君臣一夢今古空名但遠山
長雲山亂曉山青

又

綺席才終懽意猶濃酒闌時高興無窮共誇君賜初
拆黃封有分香餅黃金縷密雲龍 闔羸一水功敵
千鐘覺涼生兩腋清風暫留紅袖少却紗籠放笙歌

散筵館靜畧從容

又

病起小集

昨一作涼夜霜風先入梧桐渾無處回避衰容問公何
事不語書空但一回醉一回恨一作病一回慵 秋來
庭下光景如箭似無言有意傷儂都將萬事付與千
鍾任酒花白眼花亂燭蒼紅

又

清夜無塵月色如銀酒斟時須滿十分浮名浮利休
苦勞神嘆隙中駒石中火夢中身 雖抱文章開口

東坡先生外集卷之八十四
誰親且逍遙一作陶陶樂盡天真幾時歸去作箇閑人對
一張琴一壺酒一浮雲

又

三人承明四至九卿問儒生何辱何榮金張七葉統
綺貂纓無汗馬事不獻賦不明經 成都卜肆寂寞
君平鄭子真崑谷躬耕寒灰炙手人重人輕除竺乾
學得無念得忘名

虞美人

陳述古守杭公襄得替前數日宴僚有美堂侵夜
月色如練前望浙江後顧西湖沙河塘正出其下

陳公慨然請公賦之卽席而就

楊元素引

湖山信是東南美一望須千里使君能得幾回來便
使樽前醉倒且徘徊 沙河塘裡燈初上水調誰家
唱夜闌風靜欲歸時唯有一江明月碧琉璃

又

琵琶

定場賀老今安在幾度新聲改新聲坐使舊聲闌俗
耳只知煩手不須彈 斷絃試問誰人曉七歲文姬
小試教彈作忽雷聲應有開元遺老泪縱橫

又

送浙憲馬中玉

歸心正似三春草試着萊衣小橋懷幾日向翁開懷
祖已嗔文度不歸來 禪心已斷人間愛只有平交
在笑論瓜葛一枰同看取靈光新賦有家風

又

持盃遙動天邊月願月圓無缺持盃更復勸蒼枝願
花長似此芳菲莫離披 持盃月下花前醉休問榮
枯事此歡能有幾人知遇花對酒不開眉待何時

木蘭巷

亦名瑞鷓鴣

碧山影裡小紅旗儂是江南踏浪兒拍手欲嘲山簡
醉齊聲爭唱浪婆詞 西興渡口帆初落漁浦山頭
日未歛儂欲送潮歌底曲樽前還唱使君詩

又

元宵似是歡遊好何況公庭民訟少萬家遊賞上春
臺十里神仙迷海島 平原不似高陽傲促席雍容
陪語笑坐中有客最多情不惜玉山拚醉倒

又

經旬 東君信一夕薰風來解愠紅綃衣薄麥
秋寒綠綺韻低梅雨潤 瓜頭綠染山光嫩弄色金
桃新傳粉日高慵捲水晶簾猶帶春醪紅玉困

又

高平四面開雄壘三月風光初覺媚園中桃李使君
家城下亭臺遊客醉歌翻楊柳金尊沸飲散凭闌
無限意雲深不見玉關遥草細山重殘照裏

又

城頭落月尚啼鳥朱檻絲航草滿湖歌吹未容迎五
馬水雲先已颺雙鳧映山黃帽螭頭舫夾道青烟
鵲尾爐老病逢春祇思睡且求僧榻寄須臾

又此歐陽公詞

西湖南北烟波濶風裡笙簫聲韻咽舞餘裙帶綠雙
垂酒入香腮紅一抹杯深不覺琉璃滑貪看六么
花十八明朝車馬各西東惆悵畫橋風與月

又

和歐陽公前詞

霜餘已失長淮闊空聽潺潺清潁咽佳人猶唱醉翁
詞四十三年如電抹草頭秋露流珠滑三五盈盈
還二八與予同是識翁人惟有西湖波底月

又

次韻馬中玉

使君仙骨無寒暑千載相逢真旦暮故將別語戲佳

東坡先生外集卷之二十四
人夢見梨花枝上雨 落花偶逐東風聚 本無言
鶯解訴明朝歸路下 橫塘不見鶯啼老 落處

定風波

送揚元素

千古風流阮步兵 平生遊宦愛東平 千里遠來還不
住 歸去空留風韻照人清 紅粉尊前添懊惱 道怎

生 留得許多情 記取明年花絮亂 須看汎西湖 是斷

腸聲

又

感舊

莫怪鴛鴦繡帶長 腰輕不勝舞衣裳 薄倖只貪遊冶
去 何處垂楊繫馬恣輕狂 花謝絮飛春又盡 堪恨
斷絃塵筦伴啼粧 不信歸來但自看 怕見爲郎憔悴
却羞郎

又

十月九日亨之置酒秋香亭 雙拒霜獨向君猷而
開 坐客喜笑以爲非 使君莫可當此花 故作是篇
兩兩輕紅半暈腮 依依獨爲使君回 若道使君無此
意 爲何雙花不向別人開 但看低昂烟雨裡 不已
勸君休訴十分盃 更問尊前狂副使 來歲花開時節

東坡先生外集卷之八十四
七
爲誰來

又

元豐五年七月六日與王文甫飲酒大醉集古人
詩作墨竹詞

雨洗娟娟嫩葉光
風吹細細綠筠香
秀色亂侵書帙
晚簾捲清陰微過酒樽涼
人盡竹身肥
擁腫何用
先生落筆勝蕭郎
既得小軒岑
寂夜廊下月移踈影
上東墻

又

三月七日沙湖道中遇雨同行皆狼狽余獨不覺

已而遂晴

莫聽穿林打葉聲
何妨吟嘯且徐行
竹杖芒鞋輕勝
馬誰怕
一
莎
烟
雨
任
平
生
料峭春風吹酒醒
微冷
山頭斜照却相迎
回首向來蕭瑟處
歸去也
無風雨
也無晴

又

詠杜甫畫像蘭畹集云王聖與作未知孰是

痛飲形骸騎寒驢
葛巾不整倩人扶
笑指桃源泥樣
醉三睡詩
魔長是泣窮途
画手也知仙骨瘦
崑山
玉水點銀鬚
天地不能容
此老
笑傲一竿風
月釣江

湖

又

重陽括杜牧之詩

與客携壺上翠微江涵秋影雁初飛塵世難逢開口
笑年少菊花須插滿頭歸 酩酊但醉佳節了雲杪
登臨不用怨斜暉古往今來誰不老多少牛山何必
更沾衣

又

元祐元年王定國席上贈侍兒寓娘

常一作美

人間塚玉郎故將天與點酥娘

一作天應乞與點

娘

盡道清歌傳皓齒風起雪飛炎海變清涼

萬里

歸來年愈少微咲咲中猶帶嶺梅香試問嶺梅應不
好却道此身安處是家鄉

永遇樂

十一月五日海州景疎樓寄孫巨源

長憶別時景疎樓上明月如水美酒清歌留連不住
月隨人千里別來三度孤光又滿冷落共誰共醉捲
珠簾淒然顧影共伊到明無寐 今朝有客來從淮
上能道使君深意憑仗清淮分明到海中有相思泪
而今何在西垣清禁夜永露華侵被此時看回廊曉

東坡先生集卷之八十四
九
月也應暗記

又

徐州登燕子樓作

明水如霜好風如水清景無限曲港跳魚圓荷瀉露
寂寞無人見沉沉三鼓飄然一葉黯黯夢雲驚斷夜
茫茫重尋無處覺來小園行遍 天涯倦客山中歸
路望斷故園心眼燕子樓空佳人何處空鎖樓中燕
古今如夢何曾覺但有舊歡新怨異時對黃鶴夜景
爲予浩嘆

殢人嬌

王都尉席上贈侍人

蒲院桃花盡是劉郎未見于中更一枝纖軟仙家日
月笑人間春晚濃睡起驚飛亂紅千片 密意難窺
羞容易見平白地爲伊腸斷問君終日怎安排心眼
須信道司空自來見慣

又

贈朝雲

白髮蒼顏正是維摩境界空方丈散花何礙朱唇筋
點更髻鬟生菜這些些箇千生萬生只在 好事心腸
着人情態閑窓下歛雲凝黛明朝端午待學紉蘭爲

佩尋一首好詩要書裙帶

又 山谷云非先生作

解了癡縮淚煞悶火眉尖上放閑愁鎖高來不可低
來不可莫是人間剩我一箇富貴謾人功名賺我
且舞箇採蓮曲破紅裙腰細醪醑盞大須占取名花
艷中醉卧

醉落魄

離京口作

輕雲微月二更酒醒船初發孤城回望蒼烟合公子
佳人不記歸時節巾偏扇墜藤床滑覺來幽夢無

人說此生飄蕩何時歇家在西南長作東南別

又

席上呈元素

分携如昨人生到處萍飄泊偶然相聚還離索多病
多愁須信從來錯樽前一咲休辭却天涯同是傷
淪落故山猶負平生約西望峨眉長羨歸飛鶴

又

述懷

醉醒醒醉憑君會取些滋味濃斟琥珀香浮蟻一到
愁腸更有傷春意須將幙席爲天地歌前起舞花

東坡先生全集 卷之八十四 十一
前睡從宅兀兀陶陶裏猶勝醒醒惹得閑憔悴

又

蘇州閶門留別

蒼顏華髮故山歸計何時決舊交新貴音書絕惟有
佳人猶作殷勤別 離亭欲去歌聲咽瀟瀟細雨涼
吹頰泪珠不用羅巾裏彈在羅衣圖得見時說

雨中花

初至密州以旱蝗齋素者累月方春牡丹盛開不
獲一賞至九月忽開千葉一朵雨中爲置酒作

今歲花時深院盡日東風蕩颺茶烟但有綠苔芳艸

柳絮榆錢聞道城西長廊古寺甲第名園有國艷帶

酒天香染袂爲我留連 清明過了殘紅無處對此

泪洒樽前秋香晚一枝何事向我依然高會聊追短

景清商不假餘妍不如留取十分春態都付與明年

又

邃院重簾何處惹得多情愁對風光睡起酒闌花謝

蝶亂蜂忙今夜何人吹笙北嶺待月西廂空悵望處

一株紅杏斜倚低墻 羞顏易變傍人先覺到處被

着猜防誰信道些兒恩愛無限淒涼好事若無間阻

幽歡却是尋常一般滋味就中香美除是偷嘗

又

嫩臉羞蛾因甚化作行雲却返巫陽但有寒灯孤枕
皓月空牀長記當初乍諧雲雨便學鸞鳳又豈料正
好三春桃李一夜風霜 丹青画無言無咲看了謾
結愁腸襟袖上猶存殘黛漸減餘香 自醉中忘了
柰何酒後思量笑應負你枕前珠泪萬點千行

重編東坡先生外集卷之八十四終

重編東坡先生外集卷第八十五

詞

浣溪沙

別元素一作菊節

縹緲危樓紫翠間良辰樂事古難全感時懷舊獨悽
然 璧月瓊枝空夜夜菊花人貌自年年不知來歲
與誰看

又

重九前韵

白雪清詞出坐間愛君才器兩俱全異鄉風景各依
然 可恨相逢能幾日不知重會是何年茱萸子細
更重看

又 春情

桃李溪邊駐畫輪
鷓鴣聲裡倒清樽
夕陽雖好近黃昏
香在衣裳粧在臂
水連芳草月連雲
幾人歸去不銷魂

又 荷花

四面垂楊十頃一作里
荷問云何處最花多
畫樓南畔夕陽和
天氣乍令人寂寂
光陰須得酒消磨
且來花裡聽笙歌

又 贈問丘朝議時過徐州

一別姑蘇已四年
秋風南浦送歸船
畫簾重見水中

仙 霜髮不須催我老
杏花依舊駐君顏
夜闌相對夢魂間

又 有贈

怪見眉間一點黃
詔書催發羽書忙
從教嬌淚洗紅粧
上殿雲霄生羽翼
論兵齒頰帶風霜
歸來衫袖有天香

又 春情

道字嬌訛苦未成
未應春閣夢多情
朝來何事綠鬟傾
綵索身輕長趁燕
紅牕睡重不聞鶯
困人天氣近清明

又

入袂輕飄不被塵玉簪犀壁解佳辰一番紅粉為誰
新團扇只堪題往事新絲那解繫行人酒闌滋味
似殘春

又

有感

傳粉郎君粉奴莫教施粉與施朱自然冰玉照香
酥有客能為神女賦憑君送與雪兒書夢魂東去
覓桑榆

又

詠橘

菊暗荷枯一夜霜新苞綠葉照林光竹籬茅舍出青

黃香霧噀人驚半破清泉流齒怯初嘗吳姬三日

手猶香

又

憶舊

長記鳴琴子賤堂朱顏綠髮映垂楊如今秋髮數莖
霜聚散交游如夢寐升沉往事莫思量仲卿

終不忘

一作避桐鄉

又

春情

風壓輕雲貼水飛乍晴池館燕爭泥沈郎多病不勝
衣沙上未聞鴻雁信竹間時有鷓鴣啼此情惟有
落花知

又 九月九日二首

珠檜綠衫冷欲霜山城歌舞助淒涼且食山色飲湖
光 共挽朱幡留半日強揉青蘂作重陽不知明日
爲誰黃

又 和前韻

霜鬢真堪挿拒霜哀絃危柱作淒涼暫時流轉爲風
光 未遣清樽空北海莫因長笛賦山陽金釵玉腕
瀉鵝黃

又 彭門石潭謝雨道上作五首

照日深紅暖見魚連溪綠暗晚藏鳥黃童白叟聚睢

盱 麋鹿逢人雖未慣猿猱聞鼓不須呼歸家說與
採桑姑

又

旋抹紅粧看使君三三五五棘籬門相排踏破蒨羅
裙 老幼扶携妝麥社烏鳶翔舞賽神村道逢醉叟
卧黃昏

又

麻葉層層綠葉光誰家煮蟹一村香隔籬嬌語絡絲
娘 垂白杖藜扶 一作擡 醉眼捋青搗麩軟饑腸問
言豆葉幾時黃

又

蕪蕪衣巾落棗花村南村北響繰車牛依古柳賣黃
瓜酒困路長惟欲睡日高人渴謾思茶敲門試問
野人家

又

軟草平莎過雨新輕沙走馬路無塵何時收拾耦耕
身日暖桑麻光似潑風來蒿艾氣如薰使君元是
此中人

又

東坡守湖州上元日會法惠有人獻剪綵花者甚

奇妙謂其有初春之興因作二闕

寄表公濟

雪鬢霜髯不自驚更將剪綵發春榮羞頰未醉已先
頰莫唱黃鷄并白髮且呼張丈喚殷兄有人歸去
飲卿卿

又

前韻

料峭東風翠幕驚云何不飲對公榮水精盤瑩玉鱗
頰花影莫孤三夜月朱顏未稱五年兄翰林子墨
主人卿

又

徐州藏春閣園中

慙愧今年二麥豐千畦翠浪舞晴空化工餘力染天

東坡先生文集卷之八十五
紅 歸去山公應倒戴欄街拍手笑兒童甚時頭一作
名作綉薰籠

又 新秋

風捲珠簾自上鉤蕭蕭亂葉報新秋獨携纖手上高樓
缺月向人舒窈窕三星當戶照綢繆香生霧縠
見纖柔

又

十二月二日雨後微雪太守徐君猷携酒見過坐
上作浣溪沙三首明日酒醒雪大作又作二首

覆塊青青麥未蘇江南雲葉暗隨車臨高烟景世間

無 雨脚半收簷斷線雪林初下瓦跳珠歸時水顆

亂黏鬚

又

醉夢昏昏曉未蘇門前輾輓使君車扶頭一酸怎生
無 廢圃寒蔬挑翠羽小槽春酒凍珍珠清香細細

嚼梅鬚

又

雪裡食鹽例

一作

姓蘇使君載酒爲回車天寒酒色

轉頭無 薦士已聞飛鶚表報恩應不用蛇珠醉中

還許攬桓鬚

又 再和前韻

半夜銀山上積蘇朝來九陌帶隨車
濤江烟渚一時無 空腹有詩衣有結
濕薪如桂米如珠凍吟誰伴
撚髭鬚

又

萬頃風濤不記蘇公有田在蘇今歲為風濤蕩盡
雪晴江上麥千車

但令人飽我愁無 翠袖倚風縈柳絮
絳唇得酒爛櫻珠樽前呵手
鐻霜鬚

又

同龐安常游蕲水縣清泉寺寺臨蘭溪溪水西流

山下蘭芽短浸溪松間沙路淨無泥
蕭蕭暮雨子規啼

誰道人生無再少門前流水尚能西
休將白髮唱黃鸝

又

元豐七年十一月二十四日從泗州劉倩叔遊南山

細雨斜風作曉寒澹烟疎柳媚晴灘
入淮過洛漸漫天 雪沫乳花浮午盞
蓼芽蒿筍試春盤人間有味是清懽

又

紹聖六年十二月二十六日與旌鄉令侯晉叔歸善簿譚汲遊大雪寺野飲松下仍設松黃湯作此
關余家近釀酒名之萬家春蓋領南萬戶酒也

東坡先生集卷之八十五
羅襪空飛洛浦塵錦袍不見謫仙人携壺藉草亦天真
玉粉輕紅千葉藥雪花浮動萬家春醉歸江路
野梅新

西江月

黃州重陽

點點樓臺細雨重重江水平湖當年戲馬會東徐今
日淒涼南浦莫恨黃花未吐且教紅粉相扶酒闌
不必看茱萸俯仰人間千古

又

聞道雙啣鳳帶不妨單看鮫綃夜香知與阿誰燒悵
望水沉烟裊雲鬢風前綠卷玉顏醉裡紅潮莫教

空度可憐霄月與佳人共瞭

又

項在黃州山行夜飲野人家中夜起行醉卧小橋
畔覺衆山橫擁流水鏘然疑非塵世遂題一闕於
柱上名西江月

照野瀾瀾淺浪橫空藹藹微霄障泥未解王驄驕我
欲醉眠芳草可惜一谿明月莫教踏碎瓊瑤解鞍
歌枕綠楊橋杜宇數聲春曉

又

送茶谷簾與王勝之

龍焙今年絕品谷簾自古珍泉雪芽雙井散神仙苗

東坡先生夕集卷之八十五
裔來從北苑 湯發雲腴醞白盞浮花乳輕圓人間
誰敢更爭妍闢取紅腮粉面

又

姑熟再見勝之次前韻

別夢已隨流水 泪巾猶裊香泉相如依舊是矐仙人
在瑤臺閨苑 花霧縈風縹緲歌珠滴水清圓蛾眉
新作十分妍走馬歸來便面

又

元豐七年過揚州

三過平山堂上半生彈指聲中十年不見老仙翁壁
上龍蛇飛動 欲弔文章太守仍歌揚柳春風莫
萬事轉頭空未轉頭時皆夢

又

送錢侍制

莫嘆平原落落且應去櫓遲遲與君各記少年時須
信人生如寄 白髮千莖相送深盃白罰休辭拍浮
何用酒爲池我已爲君德醉

又

杭州真覺院賞瑞香三首

公子眼花亂發老夫鼻觀先通領巾飄下瑞香風驚
起謫仙春夢 后土祠中玉蘂蓬萊殿後鞞紅此花
清艷更纖穠把酒何人心動

又

坐客見和復次韻

小院朱欄幾曲重城畫鼓三通更看微月轉光風歸

東坡先生全集卷之八十一
去香雲入夢 翠袖爭浮大白皂羅半插斜紅燈花
零落酒花穠妙語一時飛動

又

用前韻戲曹子方

怪此花枝怨泣託君詩句名通憑將草木記吳風繼
取相如雲夢 點筆袖沾醉墨傍花面有慙紅知君
却是爲情穠怕見此花撩動

坐客云瑞香爲紫丁香遂以此曲辨證之

又

惠州詠梅

玉骨那愁瘴霧冰肌自有清風海仙時遣探芳叢倒
掛綠毛么鳳

惠州梅花上珍禽曰到挂子似綠毛鳳而小

素面常嫌粉

又

中秋

世事一場大夢人生幾度新涼夜來風葉已鳴廊看
取眉頭鬢上 酒賤常愁客少月明多被雲妨中秋
誰與共孤光把盞凄然北望

卜筭子

感舊

蜀客到江南長憶吳山好吳蜀流風自古同歸去應
須早 還與去年人共藉西湖草莫惜尊前子細看
應是容顏老

又

缺月掛疎梧漏斷人初靜惟有幽人獨往來縹緲征

東坡先生集卷之八十五
鴻影 驚起却回頭有恨憑誰省揀盡寒枝不肯棲
寂寞沙汀冷

東坡道人在黃州時作語意高妙似非喫烟火食
人語胸中非有萬卷書筆下無一點塵俗氣孰能
至此魯直題

點絳脣

杭州

閑踞胡床暝烟開處峰千朵與誰同坐明月清風我
別乘忽一作來有唱君須和人知麼自從添箇風
月平分破

又

紅杏飄香柳含烟翠拖輕縷水邊朱戶盡掩黃昏雨
燭影搖風一枕傷春緒歸不去鳳樓何處芳草迷

歸路

又

徐州重陽和蘇堅

我輩情鍾古來誰似龍山宴而今楚甸戲馬餘飛觀
願謂佳人不覺秋強半箏聲遠鬢雲吹亂愁入參
差鴈

又

不用悲秋今年身健還高宴江村海甸總作空花觀
尚想橫汾蘭菊紛相半樓船遠白雲飛亂空有年

東坡先生文集卷之八十五
年鴈

又
再和送錢公永

莫唱陽關風流公子方終宴秦山
角甸縹緲真奇觀
北望平原落日山
啣半孤帆遠我歌君亂一送西
飛鴈

好事近
湖上

湖上雨晴時秋水半篙初沒
朱檻俯窺寒鑑照衰顏
華髮
醉中吹墮白綸巾
溪風漲流月獨棹小舟歸
去任烟波漂兀

又

煙外倚危樓初見遠燈明滅
却跨玉虹歸去看洞天
星月
當時張范風流在
况一樽浮雪莫問世間何
事與劍頭微映

又
送君猷

紅粉莫悲啼俯仰半年離別看
取雪堂坡下老農夫
淒切
明年春水漾桃花
柳岸臨舟楫從此蒲城歌
吹者黃州闋咽

鵲橋仙
七夕

緱山仙子高情雲渺不學癡牛
駮女鳳蕭聲斷月明
中舉手謝時人欲去
客槎曾犯銀河浪
尚帶天

風海雨相逢一醉是前緣風雨散飄然何處

又

七夕和蘇堅韵

乘槎歸去成都何在萬里江沱

一作濤

漾與君各賦

一篇詩留織女鴛鴦機上

還將舊曲四重賡新韵

信吾儕天放人間何處不見嬉看乞巧朱樓彩舫

重編東坡先生外集卷之八十五終

重編東坡先生外集卷第八十六

中書門下奏據審刑院狀申御史臺根勘到祠
部員外郎直史館蘇某爲作詩賦并諸般文字
謗訕朝政案款狀

祠部員外郎蘇某年四十四歲本貫眉州眉山縣高
祖祐曾祖杲並故不仕祖序累贈職方員外郎父洵
累贈都官員外郎某嘉祐二年及進士第初任河南
府城固主簿未赴任間應中制科受大理評事鳳翔
府簽判覃恩轉大理寺丞磨勘轉殿中丞差判登聞
鼓院試館職除直史館丁父憂服闋差判官誥院祠

部權開封府推官磨勘轉大常博士通判杭州就移知密州磨勘轉祠部員外郎就差知河中府未到期改差知徐州未滿移湖州元豐二年四月二十一日到任歷任舉主陝西運使陸誥舉臺閣清要任使提點兩浙刑獄使晁端彥舉擢任使兩浙提刑潘良翰京東安撫使向經並舉召還侍從權京東二路運使王居卿運判李察並舉不次清要安撫使陳薦蘇滌舉陞陟侍從提點刑李清臣舉不次外擢任使提刑孔宗翰奏乞召置禁近運判章粲奏乞召還侍從安撫董廉乞召還顯用提刑李孝孫奏乞召還侍從東

京路提刑孫頌奏乞召還近侍運使鮮於侁奏乞召還近侍某任鳳翔府日爲中元節不過知府廳罰銅八斤公罪任杭州通判日不舉駁王文敏盜官錢不圓公案罰銅九斤公罪外別無過犯款招某登科後來入館多年未甚進擢兼朝廷用人多是少年所見與不同凡撰作詩賦文字譏諷貴顯衆人傳看以某所言爲當某爲與下項官員相識其人等與某意思相同卽是爲與朝廷新法時事不合及多是朝廷不甚進用之人某所以譏諷文字如右

一與王誥干涉事自熙寧三年某在京差遣以王誥

東坡先生外集卷之八十六
作駙馬後某去王誥宅與王誥真草寫所作賦并
蓮花經等本人累送茶果酒食與某當年內王誥
又送弓一張箭三十枝包指一箇與某熙寧四年
成都府僧惟簡託某在京求師號某遂將本家妝
得畫一軸送與王誥稱是川僧畫覓師號其王誥
允許當年有秘丞柳詢家貧干某某爲無錢將古
犀一株與王誥稱是柳秘丞之物欲賣錢三十貫
王誥遂送錢三十貫與柳某於王誥處得師號一
道當年有相國寺僧思大師告某於王誥處與小
師覓紫衣一道仍將到吳生畫佛人涅槃一軸徐

熙畫海棠花木芍藥梅菊雀竹各一軸趙昌畫折
枝花一軸董羽水障一床屏朱繇武宗元鬼神二
軸某曾與王誥說後將佛人涅槃及花與雀竹等
與王誥其朱繇武宗元等自收留於王誥處換得
紫衣一道與思大師當時某將古畫三十六軸各
有唐賢題名託王誥裝背其物料工直及黃碧絹
皂川綾並是王誥出備當年某通判杭州欲赴任
次王誥送到紙筆茶藥硯墨沙魚皮紫茸氈翠藤
簞等其十一月到任熙寧五年內王誥送到官酒
十瓶菓子兩籃與某當年并熙寧六年內遊孤山

作詩云誤隨弓旌落塵土坐使鞭箠環呻呼以譏
諷 朝廷新法行後公事鞭箠之多也又云追胥
伍保罪及孥百日愁嘆一日娛以譏諷 朝廷鹽
法收坐同保妻子移鄉法太急也并戲弟轍詩云
任從飽歎笑方朔肯爲雨立求秦優意言弟轍比
東方朔爲郎以當今進用之人比侏儒俳優也又
云讀書萬卷不讀律致君堯舜知無術是時 朝
廷新興律學某意非之以謂律法不足以致君爲
堯舜也又云勸農冠蓋開如雲送老糞鹽甘似蜜
譏新差提舉官所至苛碎生事發摘官吏惟學官

無責也又云平生所慙今不耻坐對疲氓更鞭箠
是時多流配犯鹽之人例皆饑貧言鞭箠貧民也
某平生所慙今不耻矣以譏諷鹽法太急也又云
道逢陽虎呼與言心知其非口諾唯是時張靚俞
希且作監司某不喜其人然不敢與之爭議故比
之爲陽虎也又吟山村詩云烟雨濛濛鷄犬聲有
生何處不安生但令黃犢無人佩布穀何勞也勸
耕此詩譏朝廷鹽法太察不便也又云老翁七十
自腰鎌慙愧春山笋蕨甜豈是聞韶解忘味爾來
三月食無鹽此詩亦譏諷鹽法太暴也又云杖藜

東坡先生集卷之八十一
四
裹鉢去忽忽過眼青錢轉手空贏得兒童語音好
一年強半在城中此譏青苗助役不便也又差開
運鹽河詩云居官不任事蕭散羨長卿胡不云歸
去滯留愧淵明鹽事星火急誰能恤農耕此詩譏
諷開運鹽河不當又妨農事也某與上件年分內
寫上件詩與王詵熙寧六年春某爲嫁外甥問王
詵借錢三百貫文當年秋又借一百貫文冬又借
一百貫文自後未曾歸還熙寧八年內王詵曾送
官酒六瓶及菓藥等有書簡往復當年并熙寧九
年內某作薄薄酒詩及水調歌頭一首并杞菊賦

一首并引不合云及移守膠西意且一飽而始至
之日齋厨索然不堪其憂以譏諷朝廷新法減削
公使錢太甚厨傳事事皆索然無備也某作超然
臺記云始至之日歲比不登盜賊滿野獄訟不空
意言連年旱蝗獄訟如此以譏諷新法減刻公使
錢太甚又於上件年分內節次抄寫上件詩賦寄
與王詵熙寧九年某爲一婢名秋蟾欲削髮出家
并有相知杭州僧行求祠部一道某爲王詵乞許
自後來未曾示及至熙寧十年二月到京王詵送
酒食茶菓至二月初三日送簡帖約出城外四照

亭中相見某次日與王詵會合令雲鬟六七人斟
酒下食數內有倩奴問某要曲子某便作洞仙歌
喜長春各一首與之次日王詵送到韓幹馬十二
疋共六軸求某爲跋尾某作歌云王良挾策飛上
天何必俯首服短轅此譏執政大臣無能如玉良
之能御者何必折節干求進用也當月某薦會傳
神僧於王銑寫真僧得紫衣一道四月起任徐州
王銑差人送羔兒酒四瓶乳糖獅子四枚龍腦面
花象梳裙帶錦段之類某覓祠部兩道與相知僧
十月內王鞏書來云王詵已諾未示及今年八月

二十八日供與王詵所借者錢物并曾寄杞菊賦
超然臺記題韓幹馬詩與王詵因依隱諱不說曾
作開運鹽河詩某於九月二十三日方實招對其
臘假遊孤山戲子由詩山村詩係元准朝旨降到
詩冊子內詩其有杞菊賦及超然臺記題韓幹馬
詩開運鹽河詩卽不係朝旨降到冊子內

一與李清臣干涉事熙寧九年某寫超然臺記一本
令送與李清臣其譏諷之意已在王詵項內聲說
熙寧十年某知徐州七月內李清臣因祈雨有應
作詩與某某却作詩和李清臣不合言天縱神龍

東坡先生全集 卷之八十六 九
嬾赤日焦九土直須人所求方肯霈膏雨以諷執
政大臣不公之意送與李清臣熙寧十年九月內
李清臣差知國史某作詩送李清臣云付君此去
全書漢載我當時舊過秦某於仁宗朝曾進論往
古得失賈誼漢文帝時人論秦之過失作過秦論
史記載之某妄以賈誼比意欲李清臣於國史中
載某所進論某在臺于八月二十八日准問日據
某供到與人往還詩有所未盡某供出所與李清
臣卽不係降到冊子內

一與章傳干涉事熙寧六年正月作詩云馬融旣係
梁班固亦仕竇效顰豈不欲頌質謝鑄鏤此詩引
梁冀竇憲並是漢時人因時君不明遂躋顯位驕
暴竊威福用事而馬融班固二人皆儒者並依託
之某詆毀大臣執政如冀憲某不能効班馬二人
苟容依附也其上件詩係印行冊子內准朝旨降
到者

一熙寧八年四月十一日某作詩送劉述云君王有
意誅驕虜搥碎銅山鑄銅虎聯翩三十七將軍走
馬歸來各開府某爲是時朝廷遣使諸路點檢軍
器及置三十七將官某將謂今上有意征討胡虜

以譏朝廷及置將官張皇不便又云南山斫木作
車軸東海取鼉躡戰鼓汗流奔駭豈敢後恐乏軍
需污齊斧保甲連村團未徧方田訟諜紛如雨爾
來手實降新書抉剔根株窮脉縷詔書惻怛信深
厚吏能淺薄空勞苦此譏諷法令屢變事目繁多
吏不能辦又云况復連年苦饑饉剥嚙草木啖黃
土今年雨雪頗應時又報蝗虫生翅羽憂來取酒
強歌醉塵滿虛齋但空甒公厨十日不生烟更望
紅裙踏筵舞注云近日齋頭索然可笑言近來饑
荒飛蝗蔽天以譏朝廷行法事多闕失又言酒食
無備公厨索然以譏諷朝廷減削公使錢太甚公
事既冗旱蝗又甚貳政巨藩尚如此窘迫又云自
從四方寇蓋闢歸作二浙湖山主以譏執政近日
提舉所至苛碎生事可怪故劉述乞宮觀歸湖州
也某在臺於八月二十日准問目仰某具自來作
過是何文字某說曾寄劉述吏部上件古詩因依
卽不曾係朝旨降到冊子內

一任杭州通判熙寧五年內某逐旋所作山村詩有
譏諷朝廷已在王詵項內聲說并留題徑山詩已
在蘇轍項內聲說及和述古舍人冬月牡丹絕句

已在陳襄項內聲說並接次送與周邠熙寧六年
八月周邠作詩與某某和贈蘇舜舉詩云哺糟方
熟寢酒面喚不醒柰何効蝙蝠屢欲爭晨暝某意
以譏王庭老如訓狐不分別是非也元豐元年六
月十三日某知湖州周邠作詩寄某某答云政拙
年年祈水旱民勞處處避嘲謳河吞巨野那容塞
盜入窮山豈易搜事道固應慙孔孟扶顛未可責
求由此詩自言遷徙數州未蒙朝廷擢用老於道
途并所至常遇水旱盜賊數起皆新法之所致以
譏諷當今所失而執政三四大臣不能扶正其顛
什也某在臺於九月十四日准問目有無未盡事
某供出因依上件詩卽不係朝旨降到冊子內
一熙寧六年八月觀潮爲主上好興利而不知害多
利少詩云吳兒生長狎濤淵肩利忘生不自怜東
海若知明主意應教斥鹵變桑田此事知必不可
得者以譏朝廷興水利之必不可成也八月二十
四日到臺虛稱意言明主好殺又二十四日虛稱
鹽法之爲害等情由逐次隱諱不說實情又元豐
元年二月黃庭堅寄書來某答書今人知子而莫
能用者譏當今進用之人及和詩云嘉穀卧風雨

稂莠登我場陳前謾方丈玉食慘無光此譏世之
小人勝君子如稂莠之奪嘉禾又云紛紛不加恤
悄悄徒自傷此譏今日進用之人多小人也元豐
二年二月三十日某作文同學士祭文寄之爲黃
庭堅不存故舊之義某在臺于九月二十三日准
問目據某供說其間有隱諱未盡者比蒙北京留
守司根檢得與黃庭堅譏諷詩并文同祭文於十
月十三日再奉取問方盡供答

一元豐元年六月王汾寄到曾祖神道碑求某題碑
陰某不合云使其不幸立于衆邪之間安危之際
則公之所爲必將驚世絕俗意謂今時進用之人
爲衆邪又今時新行之法係天下安危故云衆邪
之間安危之際也又不合云紛紛鄙夫亦拜公之
像也某在臺于九月三日准問目有所未盡供答
因依不係降到冊子內

一熙寧三年三月劉攽通判泰州作詩送云君不見
阮嗣宗片舌如鎖耳如聾譏諷朝廷新法不便不
容人直言不如耳不聞而口不言也熙寧四年十
月內某又作詩寄攽云去年送劉郎醉語已驚衆
如今各漂泊筆研誰能弄我命不在天昇歟未必

東坡先生外集 卷之八十五
中作詩聊遣意老大慵譏諷夫子少年時雄辯輕
子貢爾來再傷弓戢翼念前痛廣陵三日語相對
恍如夢况逢賢主人白酒撥春甕竹西已揮手灣
口猶屢送羨子去安閑吾邦正喧闐此言新法不
便日益不堪也熙寧六年某和劉攽詩有眼看時
事幾番新之句以譏近日更立新法事尤多也當
年十二月內劉攽作詩寄某某和詩不合引賀若
敦以錐刺其子舌以譏時不能容狂直之言某於
八月二十日准問目仰具述作過文字某供說已
在前項

一熙寧五年十二月作詩與孫覺云若對青山談世
事當須舉白便浮君此言時事多不便更不得說
說亦不盡也又次年寄詩云徙倚秋原上淒涼晚
照中水流天不盡人遠思何窮問牒知秦過看山
識禹功稻涼初吠蛤柳老半書蟲荷背風翻白蓮
腮雨退紅追遊慰遲莫覓句效兒童北望苕溪轉
遙令震澤通烹魚得尺素好寄紫鬚翁又云作堤
捍水非吾事閑送苕溪入太湖皆以時勢與昔不
同而水利不便也其在臺於九月內供狀時不合
云上件各無譏諷再蒙勘問其詩係冊子內

一熙寧三年三月作詩送錢藻知婺州云老手便劇
郡高懷厭承明聊紆東陽綬一濯滄浪纓東陽佳
山水未到意已清過家父老喜出郭壺漿迎子行
得所願愴恨居者情吾君方急賢日晏坐逌英黃
金招樂毅白璧賜虞卿子不少自薦高義空崢嶸
古稱爲郡樂漸恐煩敲榜臨分敢不盡醉語醒還
驚此言青苗助役旣行不免用鞭箠催促醉中道
此醒後須驚恐得罪以譏諷朝廷立法不便之故
元豐二年三月內某曾將相識僧行脚色并寫書
與弟轍令送與錢藻弟駙馬景臻求祠部紫衣一
道旣不識景臻其祠部等亦不曾得其詩係冊子
內

一熙寧四年五月某有詩寄張方平云無人長者側
何以安子思意以子思比之至元豐元年九月內
張方平寄詩來某和云人物一衰謝微言難重尋
清談亦足多感時意殊深此詩言晉元帝時人物
衰謝不意復見衛玠之清談風流如今時人物衰
謝不意復見方平文章才氣以譏諷今時風俗浮
薄人物衰謝也又云荒村蝸蛭亂廢沼蛙蝮淫遂
欲掩兩耳臨文但噫喑以荒村廢沼比朝廷新法

東坡先生外集 卷之八十一 十一
屢有更變事多荒廢風俗浮薄學者誕妄蝸蝓蛙
蝨之紛亂故遂掩耳不須論文也又云願公正王
度祈招繼惜惜意欲方平作詩譏諫朝廷闕失某
於九月三日准問目有所未盡卽不係冊子內

一熙寧八年六月內李常寧寄詩與某某答詩云何
人勸我此間來絃管生衣甌有埃淥蟻濡唇無百
斛蝗蟲撲面已三回磨刀入谷追窮寇洒涕循城
拾弃骸爲郡鮮歡君勿笑何如塵土走章臺此詩
譏諷減削公使錢太甚及造酒不得過百石致絃
管生衣甌釜生埃及言蝗蟲災傷盜賊四起旱澇

饑饉以見政事闕失皆新法不便之故卽不係冊
子內

一元豐元年七月衆僚請作福勝院記其詞不可具
述大旨譏諷朝廷新法以來減削公使裁損當直
公人不許修造屋宇某桂問目供說卽不係冊子
內

一熙寧四年十月內贈劉摯詩云暮落江湖上遂與
屈子隣又云士方生田里自比涓與莘出試乃大
謬芻狗難重陳此諷生有所不遇有若屈原也又
譏諷朝廷執政大臣大謬不可再用上件詩係冊

東坡先生外集卷之八十九
子內并元豐元年九月十八日寫書寄劉摯及次
韻黃魯直詩有譏諷在黃廷堅項內聲說黃廷堅
字魯直元豐元年四月中和僧詩云疲民尚在魚
尾頰數畧未除吾頰泚此言民既疲病朝廷又行
青苗助役如密網之取魚魚安得不困哉皆譏諷
新法不便以致大小之災此詩不係冊子內

一熙寧七年五月內錢公輔之子請某作父哀辭不
合譏諷當時朝廷責降公輔又譏諷今世之人邪
正混淆不分九月初三日准問目係降到冊子內
一熙寧八年郡守而下請某作大悲閣記其辭不可
具述譏諷朝廷更改科場法度不便九月初三日
准問目供說因依

一熙寧三年中與顏復作文集序譏諷朝廷更改科
場法度此不係降到冊子內

一熙寧六年和陳襄冬日牡丹四絕句云一孕妖紅
翠欲流春光回照雪霜羞化工只欲呈新巧不放
閑花得少休又云當時只道鶴林仙解遣秋光放
杜鵑誰信詩能回造化直教霜枿放春妍又云開
花時節雨連風獨向霜餘爛熳紅漏泄春光私一
物此心未信出天工又云不分春光入小園故將

詩力變寒暄使君欲見藍關詠更倩韓郎爲染根
此詩皆譏諷執政之人以化工比之也

一熙寧十年五月六日作詩寄與司馬光云先生獨
何事四海望陶冶兒童誦君實走卒知司馬拊掌
笑先生年來效啞啞此言四海蒼生望司馬光執
政陶冶天下以譏見任執政不得其人又譏新法
處處不便九月三日供說不合歷稱無有譏諷再
勘方招不係冊子內

一熙寧三年內送曾鞏詩不合云醉翁門下士雜選
難爲賢曾子獨超軼孤芳陋羣妍音從南方來與

翁兩聯翮翁今自憔悴子去亦宜然賈誼窮適楚
樂生老思燕那因江膾美遽厭天庖羶但苦世論
隘聒耳如蜩蟬安得萬頃池養此橫海鱣以譏近
來多用刻薄之人議論鄙隘如蟬之鳴不足聽也
又熙寧五年十一月二十三日某曾答曾鞏書言
賦役毛起鹽法峻急民不聊生此譏新法繁碎如
毛之冗及鹽法太密處處刑罰下不堪命某到臺
隱諱蒙會到曾鞏狀被本人申送到上件簡帖九
月十七日方招其詩在元降到冊子內

一元豐二年四月二十九日赴湖州謝上表云臣荷

東坡先生集卷之八十五
先帝之誤恩擢置三館蒙陛下之過聽付以兩州
陛下知其愚不適時難以追陪新進察其老不生
事或能牧養小民某自謂在館職多年未蒙不次
進用故言荷先帝之誤恩擢置三館蒙陛下之過
聽付以兩州又見近日朝廷進用之人多與議論
不同故言知其愚不適時難以追陪新進譏方今
進用之人盡是徇時迎合之輩又云察其老不生
事或能牧養小民以譏方今進用之人多是生事
擾民上件表係元准朝旨坐到事節

一熙寧七年二月二十七日在杭州遊風水洞留題

詩不合言世上小兒誇疾走意在譏諷世人多務
急進不顧大體當年八月望遊風水洞又云世事
漸艱吾欲去意謂行新法之後世事日益艱難小
人爭進各務讒毀某度時勢不可以合又不可以
容故欲去官卜隱居之地今年十一月二日本臺
准杭州十月十四日公文抄到上件詩二首於十
一月二日准問目便招

一熙寧六年某和劉恕詩云仁義大捷徑詩書一旅
亭相夸綬若若猶誦麥青青腐鼠何勞嚇高鴻本
自冥顛狂不用喚酒盡漸須醒此譏諷朝進用之

人以仁義爲捷徑以詩書爲逆旅又言羣鳥未可
辯雌雄以譏當今進用雜亂無分別也其詩係冊
子內

一熙寧五年二月送蔡冠卿知饒州詩云吾觀蔡子
與人遊掀脛笑語無不可平時倜儻不驚俗臨事
迂濶乃過我橫前坑窅衆所畏布路金珠誰不畏
邇來變化驚何速昔號剛強今亦頗憐君獨守廷
尉法晚歲欲理鄱陽柁莫嗟天驥逐羸牛欲試良
玉湏猛火世事徐觀真夢寐人生不信長坎軻知
君決獄有陰功它日老人酬魏顆此詩譏當今朝
廷進用之人有逆其意者則設坑窅以陷之有順
其意者則以利誘之如以金珠布於道路又譏進
退人不協公議故有天驥羸牛之比也

一熙寧五年中張次山書來請某作本家墨寶堂記
某謂學醫者當知醫書以窮疾之本原無如今之
庸醫誤下藥石以害人之性命此諷朝廷進用之
人多不曉練事喜怒不常其害人甚於醫藥之所
爲八月二十四日准問目供說不係冊子內

一熙寧元年杭州錄事參軍杜子方司戶陳珪司理
戚秉道各爲承受勘夏香事本路提刑陳睦舉駁

東坡先生集卷之八十六
差張若濟重勘上件三頁官因此衝替某緣此事
作詩送之云秋風颼颼鳴枯蓼船閣荒涼夜悄悄
正當逐客斷腸時君獨歌呼醉連曉老夫平生齊
得喪尚戀微官失輕矯君今憔悴歸無食五斗未
可秋毫少君言失意能幾時月啖蝦蟆行復皎殺
人無驗中不快此恨終身恐難了徇時所得無幾
何隨手已遭憂患繞期君正以種粟麥忍饑待食
明年麩此意以朝廷爲有司所蒙蔽也在子方等
本無罪爲陳睦張若濟等蒙蔽以致衝替係冊子
內

一元豐元年八月九日作詩與王鞏兼次韻黃魯直
有所譏諷在黃庭堅項內聲說及十月中王鞏書
來請作本宅三槐堂記某諷今時進用之人多少
年元豐二年正月十五日某又撰王鞏之祖素真
贊譏諷當今進用之人只可平居商功利課殿最
而已又譏諷當今進用之人多出於貧賤各用鄙
陋空多憂勞不爲賢也八月二十日供出因依不
係降到冊子內

一熙寧六年答錢顛茶詩云我官於南今幾時嘗盡
溪茶與山茗胸中似記故人面口不能言心自省

爲君細說我未暇試評其畧差可聽建溪所產雖
不同一一天與君子性森然可愛不可慢骨清肉
膩和且正雪花雨脚何足道啜過始知真味永縱
復苦硬終可錄汲黯少戇寬饒猛草茶無賴空有
名高者妖邪次顛獷體輕雖復強浮沉性滯偏工
嘔酸冷其間絕品豈不佳張禹縱賢非骨鯁葵花
玉跨不易致道路幽險隔雲嶺誰知使者來自西
開緘磊落收百餅嗅香嚼味本非別透紙自覺光
炯炯糝糠團鳳及小龍奴隸日注臣雙井收藏愛
惜待佳客不敢包裹鑽權幸此詩有味君勿傳空

使時人怒生瘦上件詩皆以譏世之小人乍得擢
用不知上下之分妖邪狼劣體輕浮而性滯沉

一熙寧十年二月三日范鎮守西京某作詩送行云
小人真闇事閑退豈公難此譏諷當時所用之人
以小才而當大任闇於事理以進爲榮以退爲辱
其詩不係降到冊子內

一熙寧八年五月知密州日作雩泉記云堂堂有位
有號不聞此譏諷官吏不檢放災傷致令悲嘆之
聲盈於上下當位之人何不聽也

一熙寧八年秋在密州作放鷹詩不合云聖朝若用

某爲將不減尚父能鷹揚在臺供說不在冊子內
一熙寧五年十二月因遊山作詩并諸般文字譏諷
之意今年七月二十八日皇甫遵到湖州句攝至
八月十八日起御史臺出頭當日准問目方知某
奉聖旨根勘當月二十日某供狀虛稱別無譏諷
嘲咏等至二十七日又虛稱不曾與人有文字往
還委有忘記誤供通卽非諱避所有罪愆甘伏朝
典

據監察御史裏行何正臣劄子伏見某人表言愚不
不適時難以追陪新進老不生事或能牧養小民侮
弄朝廷妄自尊大某人所爲文字譏訕今取其鏤板
進呈奉聖旨送中書及權監察御史舒亶劄子稱某
人訕毀譏切益陛下發錢以助本業則曰羸得兒童
語音好陛下明法課試羣吏則曰讀書萬卷不讀律
陛下興水利則曰東海若知明主意應教斥鹵變桑
田陛下禁鹽則曰豈是聞韶解忘味爾來三月食無
鹽其某人印行詩一冊謹具進呈奉聖旨送中書權
御史中丞李定劄子某人非不知禮之訕上有誅而
肆其慣心公爲詆訾奉聖旨送御史臺根勘聞奉准
勅臣寮上表妄有訕毀御史臺糾奏又海行條貫不

東坡先生全集卷之八十一
二十
指定刑名今斷杖八十私罪

一到臺累次虛妄不實供通准律別制下問報上不實徒一年未奏減一等

一詩賦等文字譏諷朝政闕失等到臺被問便因依招通准勅作匿名文字謗証朝政及中外臣寮徒二年又准刑統犯罪案問欲舉減罪二等今比附徒一年

一作詩賦寄王詵等致有鏤板印行諷毀朝政又謗詆中外臣寮准勅犯罪以官當徒九品以上官當徒一年准勅館閣貼職許爲一官或以官或以職

臨時取旨

某人見任祠部員外郎直史館并歷任太常博士合追兩官勒停犯在熙寧四年九月十日明堂赦七年十一月二十日南郊赦八年十月十四日赦十年十一月二十七日南郊赦所犯事在元豐三年十月十五日德音前准赦書官員犯人入已職不赦餘罪赦除之其某人合該上項赦恩并德音原免釋放准聖旨牒奉勅某人依斷特責授檢校水部員外郎充黃州團練副使本州安置

東坡先生外集

卷之八十六

終

重編東坡先生外集卷之八十六終



程